

Poslanikove noge bi otekle jer bi stajao u namazu jedan dug period. Kada je upitan u vezi sa tim, odgovorio je: **“Zar da ne budem zahvalan rob svom Gospodaru?”**

## Zaista ste lijeni

Kakav ćete izgovor dati svom Tvorcu, Stvoritelju nebesa i Zemlje, na Sudnjem danu? Onome koji vas je blagoslovio sa 24 časa dnevno, a od vas je samo zatražio da namaz obavljate pet puta dnevno.

Poslanik (sallallahu alejhi ve sellem) je rekao: **“Neće se pomaknuti ispred svoga Gospodara sin Ademov na Sudnjem Danu dok ne bude upitan za pet stvari: za život, kako ga je proveo, za mladost na šta ju je potrošio, za imetak kako ga je stekao i kako ga je potrošio, i šta je radio sa znanjem koje je stekao.”** (Hadis bilježi Tirmizi)

## Bićete jadni i napaćeni

Uzvišeni Allah kaže: **“A onaj ko okrene glavu od Knjige Moje, taj će teškom mukom živjeti i na Sudnjem Danu ćemo ga slijepim oživjeti. “Gospodaru moj” – reći će - “zašto si me slijepog oživio kada sam vid imao?” Evo zašto” – reći će On: “Dokazi Naši su ti dolazili, ali si ih zaboravljao, pa ćeš danas ti isto tako biti zaboravljen.”** Kur’an 20:124-126

## Samo sebi štetiš

Allahu ne treba tvoj namaz niti bilo šta od bilo koga – Slavljen neka je On! Ti si taj koji je u potrebi za Njegovom milošću.

**“Budi zahvalan Allahu! Ko je zahvalan, čini to u svoju korist, a ko je nezahvalan – ta, Allah je, doista, neovisan i hvale dostojan.”** Kur’an 31:12

## Ti si taj koji se igra sa nevjerstvom!

Mnogi učenjaci islama su mišljenja da ako ne obavljaš namaz, da nisi vjernik citirajući sljedeći hadis:

**“Ugovor koji razdvaja nas (vjernike) i njih (nevjernike/licemjere) je namaz. Ko ga ostavi, počinio je nevjerstvo.”**

Pored toga, Poslanikovi sljedbenici, ashabi, nisu smatrali napuštanje bilo kojeg djela nevjerstvom, osim namaza.

# Česti izgovori

**Nema se vremena (rad, učenje, obaveze, itd):** Čista i jasna obmana. Niste dali namazu prioritet. Allah bi podario bereketa u vašem vremenu i učinio bi vas efektivnijim, efikasnijim i uspješnijim.

**Moje srce je čisto:** Allah najbolje zna ko ima čisto srce i On traži od vas da namaz obavljate! Djela pokazuju šta je u vašem srcu. Niko nema čistije srce od Poslanika Muhameda (sallallahu alejhi ve sellem) koji je redovno obavljao namaz.

**Moj alarm:** Vašem alarmu je teško da se isključi ako ga prethodno ne uključite! Očistite vaše namjere, budite iskreni i spavajte kako je propisano po sunnetu Poslanika.

**Moja porodica/ supružnik/ roditelji/ prijatelji me sprječavaju:** Poslanik (sallallahu alejhi ve sellem) je rekao: **“Nema poslušnosti onome ko vam naređuje neposlušnost Allahu.”** Odgovarat ćeš Ti!

**Griješim previše:** Vremenom, vaši namazi će vas odvratiti od činjenja ovih grijeha – samo obavljajte namaz! Najveći grijeh je taj što namaz ne obavljate.

Duboko razmislite o ovom hadisu: **“A kad bi znali kakva se vrijednost, ljepota i nagrada nalaze u ta dva namaza (sabah i jacija), obavljali bi ih zajedno sa ostalim vjernicima, pa makar i puzeći dolazili u džamiju.”**

Kakav iskren izgovor za ostavljanje namaza ćete vi imati kada stanete pred vašim Gospodarom, na taj težak Dan polaganja računa (Sudnji dan)?

# ZNAČAJ NAMAZA



Više informacija i dodatne brošure u ovoj seriji

veb: [islamhouse.com](http://islamhouse.com) | [islamicpamphlets.com](http://islamicpamphlets.com)

e-mail: [bosnian@islamhouse.com](mailto:bosnian@islamhouse.com)

Nauči  
osnovno

[islamicpamphlets.com](http://islamicpamphlets.com)



**N**ažalost, mnogi muslimani iz neznanja ne klanjaju ili ne ispunjavaju uslove za ispravan namaz, uprkos njegovom značaju. Svrha namaza je jačanje naše veze sa Allahom; zahvalnost na svim Njegovim blagodatima; i podsjećanje na Njegovu Veličinu. Kao što tijelo zahtjeva materijalne potrebe, poput hrane i vode, duša, također, ima duhovnih potreba koje se njeguju raznolikim ibadetima, od kojih je najvažniji namaz. Kod većine ljudi je njihovo tijelo zdravo ali je njihov duh mrtav.

Poslanik (sallallahu alejhi ve sellem) je kazao: **“Poređenje onog ko spominje Allaha i onog ko Ga ne spominje je poput poređenja živog sa umrlim.”**

Uzvišeni Allah kaže: **“O vjernici, odazovite se Allahu i Poslaniku kad od vas zatraži da činite ono što će vam život osigurati.”** Kur’an 8:24

## Značaj namaza

### Direktna komunikacija sa Allahom

**“Najbliže je rob svom Gospodaru u namazu kada je na sedždi.”**

Namaz vas spaja sa Allahom. Arapska riječ za namaz (salah) je zapravo izvedena od arapske riječi koja znači “veza”. Allahov Poslanik (sallallahu alejhi ve sellem) je kazao, “Kada je neko od vas u svom namazu on se obraća svom Gospodaru, pa obratite pažnju kako Mu se obraćate.” (Hadis bilježe Buharija i Muslim) Nemoj prekinuti ovu vezu sa svojim Stvoriteljem!

### Stub islama

Namaz je drugo najvažnije načelo islama i najbitnija obaveza u životu jednog muslimana. Namaz je djelo koje mora da se izvršava svakodnevno, bez obzira na okolnosti. Zapravo, Allah nije oslobodio muslimane namaza čak ni tokom rata! Uzvišeni Allah kaže:

**“Redovno molitvu obavljajte... Ako se budete nečega bojali, onda hodajući ili jašući.”** Kur’an 2:238-239

Ako je takav slučaj tokom rata. Kakav je onda u miru?

### Uspjeh se nalazi u namazu

Poslanik (sallallahu alejhi ve sellem) je kazao: **“Prvo za šta će čovjek biti pitan na Sudnjem danu jeste namaz. Pa ako mu je namaz ispravan, ispravna su mu i ostala djela, a ako je neispravan, neispravna će mu biti i ostala djela.”** (Hadis bilježe Ahmed i Ebu Davud i Nesai)

## Prednosti namaza

### On je štit protiv zla

Bez traženja Allahove pomoći, nemoguće je uzdržati se od zla.

Uzvišeni Allah kaže: **“Molitva, zaista, odvraća od razvrata i od svega što je ružno...”** Kur’an 29:45

Kako mogu grijesi da budu počinjeni ako dobrovoljno stojite pred Allahom pet puta dnevno?

### Oplemenjivanje duše

Namaz zadovoljava vaše duhovne potrebe za vezom sa Tvorcem. Namaz vašoj duši daje mir i zadovoljstvo, naročito u vašem, poslom opterećenom, stilu života.

Uzvišeni Allah kaže: **“One koji vjeruju i čija se srca, kad se Allah spomene, smiruju – a srca se doista, kad se Allah spomene, smiruju!”** Kur’an 13:28

### Čini vas poniznim

Ponos i arogancija se odbacuju shvatanjem Allahove veličine i vaše zavisnosti o Njemu. U namazu, musliman stavlja najuzvišeniji dio svog tijela i izvora intelekta - svoju glavu, na zemlju govoreći, **“Slavljen neka je moj Gospodar Najuzvišeniji.”**

Uzvišeni Allah kaže: **“Ono što žele – vjernici će postići, oni koji molitvu svoju ponizno obavljaju.”** Kur’an 23:1-2

Naravno, ovo se jedino može ostvariti kada razumijete izgovoreno i kada se skrušeno skoncentrišete.

### Čisti od grijeha

Svako čini grijeha, međutim, Allah je omogućio kroz namaz da se ovi grijesi izbrišu.

Uzvišeni Allah kaže: **“I obavljaj namaz... Dobra djela zaista poništavaju loša.”** Kur’an 11:114

Poslanik (sallallahu alejhi ve sellem) je dao prelijep primjer kada je rekao svojim sljedbenicima, **“Šta mislite kad bi jedan od vas imao pred vratima rijeku, pa ako bi se u njoj svaki dan pet puta kupao, da li bi na njemu ostalo nečistoće?”** Prisutni su odgovorili, **“Ne bi, Allahov Poslaniče.”** Onda je Poslanik odgovorio, **“Tako je i sa pet dnevnih namaza, Allah njima briše vaše grijeha.”**

## Rješava vaše probleme

Ako ojačate vašu vezu sa Allahom, Allah će ojačati vašu vezu sa ostatkom svega stvorenog. Kroz namaz, On Koji je Svemoguć, ispraviti će sve vaše probleme.

Uzvišeni Allah kaže: **“O vjernici, tražite sebi pomoć u strpljivosti i obavljanju namaza.”** Kur’an 2:153

### Ujedinjuje vjernike

Namaz u džematu uspostavlja bratstvo, jedinstvo i poniznost među vjernicima. Vjernici stoje u redovima i kao jedno tijelo, rame uz rame, bez ikakve rasne ili nacionalne razlike, ili razlike u boji kože, ili u imetku, porodici ili društvenom statusu. Ovaj čin jedinstva pomaže u otklanjanju svih barijera koje stoje među ljudima.

## Napuštanje namaza

**“O čovječe, šta te obmanjuje u vezi s tvojim Gospodarom, Najplemenitijim?”** Kur’an 82:6

### Neposlušni ste svom Stvoritelju

Cijela svrha vašeg postojanja je radi spoznaje, obožavanja i pokoravanja Allahu, i pored toga vi ste svakodnevno neposlušni svom Stvoritelju.

**“A njih smijeniše zli potomci, koji namaz napustiše i za požudama pođoše; oni će sigurno zlo proći; ali ne oni koji su se pokajali, i vjerovali, i dobro činili...”** Kur’an 19:59-60

**“Šta vas je u Džehennem dovelo?” “Nismo” - reći će - “bili od onih koji su namaz obavljali.”** Kur’an 74:42-43

### Vi ste nezahvalni

Odbijanje poziva vašeg Tvorca za ostvarivanjem ove bliske veze sa Njim je krajna nezahvalnost.

Allah vas je stvorio i dao vam sve. **“Reci: “On sve stvara i daje vam sluh i vid i pamet, a kako vi malo zahvaljujete.”** Kur’an 67:23